

# კოოპერატივებს სასოფლო – სამეურნეო ტექნიკა გადაეცა

სოფლის მეურნეობის სამინისტროს სასოფლო-სამეურნეო კოოპერატივების სააგენტოსთან კოორდინაციით, ჩეხურმა არასამთავრობო ორგანიზაციამ PIN (People in Need) I რაუნდის საგრანტო კონკურსში გამარჯვებულ იმერეთისა და რაჭის რეგიონში შექმნილ 5 სასოფლო-სამეურნეო კოოპერატივს 5 ერთეული ტრაქტორი გადასცა.

ღონისძიებას სოფლის მეურნეობის მინისტრის მოადგილე გოჩა ცოფურაშვიდი და სასოფლო-სამეურნეო კოოპერატივების განვითარების სააგენტოს თავმჯდომარე გიორგი მიშვილაძე დაესწრნენ.

“ევროპის სამეზობლო პროგრამა სოფლის მეურნეობისა და სოფლის განვითარებისათვის“ (ENPARD) პროექტის ფარგლებში, PIN-ის კონსორციუმის ხელშეწყობით, პირველი რაუნდის საგრანტო კონკურსის შედეგად, 9 საუკეთესო კოოპერატივი შეირჩა.

სოფლის მეურნეობის სამინისტროს ცნობით, პირველ ეტაპზე ტრაქტორები გადაეცა შემდეგ კოოპერატივებს: მეღვინეობის კოოპერატივი “ჯვარისა” – ამბროლაური; მეღვინეობის კოოპერატივი „თერჯოლის ღვინო“-თერჯოლა; მეღვინეობის კოოპერატივი „მეღვინეობა საბანო“ – თერჯოლა; ვაზის სანერგე მეურნეობის, სიმინდის წარმოების კოოპერატივი „მშვილდი +“ – ბაღდათი; მეფრინველეობის კოოპერატივი „საწირე“ – ტყიბული.

პირველი რაუნდში გამარჯვებული 9 კოოპერატივის ქვე-გრანტებზე მოთხოვნილმა თანხამ დაახლოებით 550 000 ლარი შეადგინა. ტექნიკური გრანტის სრული ღირებულების 25 % კოოპერატივებისგან მოთხოვნილი თანადაფინანსება არის.

ტრაქტორების გადაცემის ღონისძიებას პროექტში ჩართული მხარეები – სოფლის მეურნეობის სამინისტროს, იმერეთის და რაჭის სამხარეო ადმინისტრაციის, ENPARD-ის კონსორციუმის წარმომადგენლები დაესწრნენ.